

**FEDERALNO MINISTARSTVO OKOLIŠA I
TURIZMA****1489**

Na osnovu člana 18. stav (2) Pravilnika o postupcima i mjerama u slučajevima akcidenata na vodama i obalnom vodnom području ("Službene novine Federacije BiH", br. 71/09, 102/18) te Rješenja o proglašenju Federalnog operativnog plana za incidentna zagađenja III stepena ugroženosti u Federaciji Bosne i Hercegovine ("Službene novine Federacije BiH", broj 19/20), federalna ministrica okoliša i turizma donosi

**RJEŠENJE
O IMENOVANJU INTERRESORNE RADNE
KOMUNIKACIJSKE GRUPE NA PROSTORU
FEDERACIJE BOSNE I HERCEGOVINE****I. Sastav**

Imenuje se Interresorna radna Komunikacijska grupa na prostoru Federacije Bosne i Hercegovine (u daljnjem tekstu: Komunikacijska grupa) u sastavu:

1. Samir Čolak, predsjednik (Federalno ministarstvo unutrašnjih poslova);
2. Enes Šeperović, član (Ministarstvo vanjske trgovine i ekonomskih odnosa BiH);
3. Almir Beridan, član (Ministarstvo sigurnosti BiH);
4. Nedžad Bajraktarević, član (Federalna uprava civilne zaštite);
5. Aziz Kudra, član (Federalna uprava za inspeksijske poslove);
6. Sanja Marić, član (Agencija za vodno područje Jadranskog mora);
7. Ajla Rizvanbegović-Rizvanović, član (Agencija za vodno područje rijeke Save).

II. Zadatak

Zadatak Komunikacijske grupe iz tačke I. ovog Rješenja je:

- da obavlja poslove operativnog dežurstva,
- obavlja poslove prijema i prijenosa informacija,
- vrši pozivanje osoba,
- vrši izvještavanje o zagađenju voda te
- obavlja međunarodne kontakte.

Obavještavanje o incidentnom zagađenju vrši se u skladu s članom 61., st. 1. i 2. Zakona o vodama Federacije BiH.

Komunikacijska grupa dojavu o incidentnom zagađenju prosljeđuje u Operativno komunikacijski centar BiH 112 b).

Komunikacijska grupa iz tačke I ovog Rješenja obavlja i sva ostala zaduženja navedena u Federalnom operativnom planu za incidentna zagađenja III stepena ugroženosti u Federaciji Bosne i Hercegovine.

III. Sjedište

Sjedište Interresorne radne grupe je u Ministarstvu sigurnosti BiH (Operativno komunikacijski centar BiH-112), Trg BiH 1 71000 Sarajevo gdje će se obavljati i administrativno tehnički poslovi za potrebe Interresorne radne Komunikacijske grupa.

IV. Organiziranje rada

Predsjednik Komunikacijske grupe je dužan sazvati sve članove komisije radi organiziranja aktivnosti koje su definisane Federalnim operativnim planom za incidentna zagađenja III stepena ugroženosti u Federaciji Bosne i Hercegovine.

Imenovanje predsjednika i članova Komunikacijske grupe se vrši za period od minimalno jedne godine i objavit će se u "Službenim novinama Federacije BiH".

V. Naknada za rad

Naknadu za rad predsjednik i članovi Komunikacijske grupe ostvaruju nakon usvojenog Izvještaja od strane federalne ministrice okoliša i turizma u organu državne službe u kojem su zaposleni, a ispred koje su imenovani u skladu sa Uredbom o načinu osnivanja i utvrđivanja visine naknade za rad radnih tijela osnovanih od strane Vlade Federacije Bosne i Hercegovine i rukovodilaca federalnih organa državne službe ("Službene novine Federacije BiH", br. 48/14, 77/14, 97/14 i 58/15).

VI. Stupanje na snagu

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 04-23-476-I/19
21. septembra/rujna 2020.godine
Sarajevo

Ministrica
Dr. **Edita Đapo**, s. r.